



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ
ՆԱԽԱՐԱՐ**

Հ Ր Ա Մ Ա Ն

31 հունվար 2012 թ.

N 9-Ն/11

**ՀՀ ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԱՐՑԵՐԻ ՆԱԽԱՐԱՐԻ 2003 ԹՎԱԿԱՆԻ
ՓԵՏՐՎԱՐԻ 3-Ի ԹԻՎ 08-Ա/1 ՀՐԱՄԱՆՈՒՄ ՓՈՓՈԽՈՒԹՅՈՒՆ ԿԱՏԱՐԵԼՈՒ
ԵՎ «ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԵՏԱԶՈՏՈՒԹՅՈՒՆՆԵՐԻ ԱԶԳԱՅԻՆ
ԻՆՍՏԻՏՈՒՏ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ ՆՈՐ
ԽՄԲԱԳՐՈՒԹՅԱՄԲ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ**



Ղեկավարվելով «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին մասի, Հայաստանի Հանրապետության Կառավարության 2002 թվականի նոյեմբերի 14-ի N 1821-Ն որոշմամբ հաստատված Հայաստանի Հանրապետության աշխատանքի և սոցիալական հարցերի նախարարության կանոնադրության 12-րդ կետի դ) ենթակետի և Հայաստանի Հանրապետության Կառավարության 2002 թվականի օգոստոսի 22-ի N 1405-Ն որոշման 5-րդ կետի պահանջներով՝

ՀՐԱՄԱՅՈՒՄ ԵՄ

1. Հայաստանի Հանրապետության աշխատանքի և սոցիալական հարցերի նախարարի 2003 թվականի փետրվարի 3-ի ««Աշխատանքի և սոցիալական հետազոտությունների ազգային ինստիտուտ» պետական ոչ առևտրային կազմակերպության կանոնադրությունը, սեփականության իրավունքով հանձնվող և անհատույց օգտագործման իրավունքով ամրացված գույքի կազմերը հաստատելու մասին» թիվ 08-Ա/1 հրամանի 1-ին կետի 1-ին ենթակետով հաստատված կանոնադրությունը /այսուհետ՝ կանոնադրություն/ շարադրել նոր խմբագրությամբ՝ համաձայն հավելվածի:

2. Հաստատել՝ «Աշխատանքի և սոցիալական հետազոտությունների ազգային ինստիտուտ» պետական ոչ առևտրային կազմակերպության /այսուհետ՝ Կազմակերպություն/ նոր խմբագրությամբ կանոնադրությունը:

3. Կազմակերպության տնօրենին՝ 10 աշխատանքային օրվա ընթացքում Կազմակերպության կանոնադրությունը սահմանված կարգով ներկայացնել պետական գրանցման:


Ա.ԳՐԻԳՈՐՅԱՆ


<<ՀԱՍՏԱՏՎԱԾ Է>>
Հայաստանի Հանրապետության
աշխատանքի և սոցիալական հարցերի
նախարարի
_____ 2012 թվականի

Թիվ _____ - Ա հրամանով

Նախարար _____ Ա. Գրիգորյան

<<ԳՐԱՆՑՎԱԾ Է>>
Հայաստանի Հանրապետության
իրավաբանական անձանց
պետական ռեգիստրի
Խորհրդային տարածքային
բաժնում
գրանցման օրը 05.02.03թ.
գրանցման թիվ 28221004588
վկայականի թիվ 03 Ա-058391
թիվ 1.2 փոփոխությունը գրանցված է
Հայաստանի Հանրապետության
իրավաբանական անձանց պետական
ռեգիստրի Նոր-Նորքի տարածքային
բաժնում
<<08>> 10. 2007թ.
Նոր Նորքի Տ/Բ պետ
Ա.Հովհաննիսյան

թիվ 2.2 փոփոխությունը գրանցված է
Հայաստանի Հանրապետության
իրավաբանական անձանց պետական
ռեգիստրի Նոր-Նորքի տարածքային
բաժնում
<<15>> 02. 2011թ.
Նոր Նորքի Տ/Բ պետ
Ա.Հովհաննիսյան

թիվ 3.2 փոփոխությունը գրանցված է
Հայաստանի Հանրապետության
իրավաբանական անձանց պետական
ռեգիստրի Նոր-Նորքի տարածքային
բաժնում
<< >> _____ 2012թ.
Նոր Նորքի Տ/Բ պետ

**<<ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԵՏԱԶՈՏՈՒԹՅՈՒՆՆԵՐԻ ԱԶԳԱՅԻՆ
ԻՆՍՏԻՏՈՒՏ>> ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ
ԿԱՆՈՆԱԴՐՈՒԹՅՈՒՆ**

(նոր խմբագրությամբ)

Հավելված
«Աշխատանքի և սոցիալական
հարցերի նախարարի
2012 թվականի հունվարի 31-ի
N 9 - Ա/հրամանի

«Հավելված N1
«Աշխատանքի և սոցիալական
հարցերի նախարարի
2003 թվականի փետրվարի 3-ի
թիվ 08-Ա/1 հրամանի

ԿԱՆՈՆԱԴՐՈՒԹՅՈՒՆ

«ԱՇԽԱՏԱՆՔԻ ԵՎ ՍՈՑԻԱԼԱԿԱՆ ՀԵՏԱԳՈՏՈՒԹՅՈՒՆՆԵՐԻ ԱԶԳԱՅԻՆ
ԻՆՍՏԻՏՈՒՏ» ՊԵՏԱԿԱՆ ՈՉ ԱՌԵՎՏՐԱՅԻՆ ԿԱԶՄԱԿԵՐՊՈՒԹՅԱՆ

1. ԸՆԴՀԱՆՈՒՐ ԴՐՈՒՅԹՆԵՐ

1. «Աշխատանքի և սոցիալական հետազոտությունների ազգային ինստիտուտ» պետական ոչ առևտրային կազմակերպությունը (այսուհետ՝ Կազմակերպություն) շահույթ ստանալու նպատակ չհետապնդող, իրավաբանական անձի կարգավիճակ ունեցող ոչ առևտրային կազմակերպություն է, որն ստեղծվել է Հայաստանի Հանրապետության կառավարության 2002 թվականի օգոստոսի 22-ի «Աշխատանքի և սոցիալական հետազոտությունների ազգային ինստիտուտ» պետական ոչ առևտրային կազմակերպություն ստեղծելու մասին» N 1405-Ն որոշմամբ՝ «Աշխատանքի և սոցիալական հետազոտությունների ազգային ինստիտուտ» պետական հիմնարկի վերակազմավորման միջոցով և հանդիսանում է վերջինիս իրավահաջորդը:

2. Կազմակերպությունն ունի Հայաստանի Հանրապետության պետական գինանշանի պատկերով և իր՝ հայերեն, ռուսերեն և անգլերեն անվանմամբ կլոր կնիք, ինչպես նաև կարող է ունենալ իր անվանմամբ ձևաթղթեր, խորհրդանիշ և անհատականացման այլ միջոցներ:

3. Կազմակերպությունն իր գործունեության ընթացքում ղեկավարվում է Հայաստանի Հանրապետության օրենսդրությամբ և սույն կանոնադրությամբ:

4. Կազմակերպության հիմնադիրը Հայաստանի Հանրապետությունն է՝ ի դեմս Հայաստանի Հանրապետության կառավարության:

5. Կազմակերպությունը պատասխանատու չէ իր հիմնադրի պարտավորությունների համար: Կազմակերպության հիմնադիրը պատասխանատու չէ կազմակերպության պարտավորությունների համար:

6. Կազմակերպությունը ստեղծված է համարվում նրա՝ օրենքով սահմանված կարգով պետական գրանցման պահից:

7. Կազմակերպությունը, որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով: Կազմակերպությունը կարող է իր անունից ձեռք բերել ու իրականացնել գույքային և անձնական ոչ գույքային իրավունքներ, կրել պարտականություններ, դատարանում հանդես գալ որպես հայցվոր կամ պատասխանող:

8. Կազմակերպության գործունեությունը ֆինանսավորվում է Հայաստանի Հանրապետության պետական բյուջեից, Հայաստանի Հանրապետության և օտարերկրյա պետությունների կազմակերպությունների և ֆիզիկական անձանց նվիրատվություններից, բարեգործական նպատակներով տրամադրվող միջոցներից, իր կողմից իրականացվող ձեռնարկատիրական գործունեությունից և օրենքով չարգելված այլ գործունեությամբ ստեղծված միջոցներից:

9. Կազմակերպությունն այլ կազմակերպության հիմնադիր կամ մասնակից կարող է հանդիսանալ միայն հիմնադրի որոշմամբ:

10. Կազմակերպությունը, որպես ձեռնարկատիրական գործունեություն, կարող է իրականացնել. բնակչության մասնագիտական կողմնորոշման խորհրդատվություն, աշխատանքային պայմանների ուսումնասիրություն, աշխատանքի կազմակերպման, նորմավորման և վարձատրության վերաբերյալ ծառայությունների մատուցում, հաշմանդամների բժշկասոցիալական, մասնագիտական ու հոգեբանական վերականգնման ծրագրերի մշակում, սոցիալ-իրավաբանական և հոգեբանական խորհրդատվական ծառայությունների մատուցում, կիրառական և սոցիոլոգիական հետազոտությունների անցկացում, գիտահետազոտական ծրագրերի մշակում և իրականացում, աշխատողների վերապատրաստման ու որակավորման բարձրացման դասընթացների անցկացում, մասնագիտական գրականության մշակում, կենսաթոշակային բարեփոխումների վերաբերյալ ուսուցման և վերապատրաստման ծրագրերի մշակում և իրականացում, կենսաթոշակային բարեփոխումների վերաբերյալ ուսուցողական և տեղեկատվական սեմինարների, հանրային իրազեկման միջոցառումների կազմակերպում և իրականացում, կենսաթոշակային բարեփոխումների վերաբերյալ ուսուցողական և տեղեկատվական նյութերի մշակում և հրատարակում, կենսաթոշակային բարեփոխումների շրջանակներում խորհրդատվական ծառայությունների մատուցում:

11. Կազմակերպությունն ունի ինքնուրույն հաշվեկշիռ, կարող է բանկերում (այդ թվում՝ նաև օտարերկրյա) բացել հաշիվներ ինչպես Հայաստանի Հանրապետության դրամով, այնպես էլ արտարժույթով: Բանկային հաշիվների գումարներին ավելացած տոկոսները պատկանում են Կազմակերպությանը:

12. Կազմակերպության անվանումն է՝

հայերեն լրիվ՝ «Աշխատանքի և սոցիալական հետազոտությունների ազգային ինստիտուտ» պետական ոչ առևտրային կազմակերպություն.

հայերեն կրճատ՝ ԱՍՀԱԻ ՊՈԱԿ

ռուսերեն՝ «Национальный институт труда и социальных исследований» государственная неторговая организация.

ռուսերեն կրճատ՝ НИТЦИ ГНТО

անգլերեն՝ «National Institute of Labour and Social Researches» state non-trade organization.

անգլերեն կրճատ՝ NILSR SNTO:

13. Կազմակերպության գտնվելու վայրն է քաղաք Երևան, Կ. Ուլնեցու 68:

II. ԿԱԶՄԱԿԵՐՊՈՒԹՅԱՆ ԳՈՐԾՈՒՆԵՌՈՒԹՅԱՆ ՆՊԱՏԱԿՆԵՐԸ, ԽՆԴԻՐՆԵՐՆ ՈՒ ԳՈՐԾԱՌՈՒՅԹՆԵՐԸ

14. Կազմակերպության գործունեության հիմնական նպատակն է՝ աշխատանքի և սոցիալական ապահովության բնագավառում գիտահետազոտական գործունեության իրականացումը, սոցիալական ապահովության ոլորտի մասնագետների վերապատրաստումը, կենսաթոշակային բարեփոխումներին աջակցելը:

15. Կազմակերպությունը իրականացնում է հետևյալ գործառույթները.

1) աշխատանքի և սոցիալական պաշտպանության ոլորտում իրականացնում է գիտական կիրառական հետազոտություններ, փորձագիտական գնահատումներ և դրանց հիման վրա ներկայացնում համապատասխան առաջարկություններ, ինչպես նաև տրամադրում է մասնագիտական խորհրդատվություններ,

2) ուսումնասիրում է աշխատաշուկայի և աշխատանքային հարաբերությունների, աշխատանքի կազմակերպման, նորմավորման և արտադրողականության, աշխատանքի պայմանների ու դրանց պաշտպանության, աշխատանքի վարձատրության և մասնագիտական կողմնորոշման բնագավառների հիմնահարցերը,

3) ուսումնասիրում է աշխատանքի շուկայի պահանջները և մշակում բնակչության զբաղվածությունն ապահովող ծրագրեր, մշակում է զբաղմունքների և մասնագիտությունների անվանումներն ըստ կոդավորումների՝ միջազգային նորմատիվներին համապատասխան,

4) իրականացնում է բնակչության մասնագիտական կողմնորոշման խորհրդատվություն,

5) ուսումնասիրում է բնակչության սոցիալ-տնտեսական և աշխատանքային միգրացիային վերաբերող հիմնահարցերը, իրականացնում կիրառական և սոցիոլոգիական հետազոտություններ,

6) ուսումնասիրում է ընտանիքի, կանանց, երեխաների, երիտասարդների, հաշմանդամների, տարեցների, կենսաթոշակառուների և փախստականների սոցիալական աջակցության հիմնախնդիրները և ներկայացնում առաջարկություններ,

7) իրականացնում է սոցիալ-հոգեբանական վերականգնողական ծրագրեր,

8) աջակցում է կենսաթոշակային բարեփոխումներին, կենսաթոշակային բարեփոխումների շրջանակներում մշակում և իրականացնում համապատասխան ծրագրեր ու մատուցում խորհրդատվական ծառայություններ.

9) մշակում է հաշմանդամների բժշկասոցիալական, մասնագիտական և հոգեբանական վերականգնմանն ուղղված ծրագրեր և իրականացնում է հաշմանդամ ունեցող ընտանիքների և հաշմանդամների հետ աշխատող մասնագետների հետ սոցիալ-հոգեբանական խորհրդատվական և ուսուցման աշխատանքներ,

10) մշակում է տարեց բնակչությանը տրամադրվող սոցիալական աջակցության նոր ձևեր ու մեթոդներ,

11) իրականացնում է թափառաշրջիկ, մուրացիկ, վարքի շեղում ունեցող երեխաների սոցիալ-հոգեբանական վերականգնողական ծրագրեր

12) ուսումնասիրում և վերլուծում է սոցիալ-տնտեսական դժվարություններ ունեցող կանանց, բազմազավակ ընտանիքների հիմնախնդիրները,

13) ուսումնասիրում է ազատագրկման վայրերում գտնվող անձանց հիմնախնդիրները,

14) կազմում է կադրերի վերապատրաստման և որակավորման բարձրացման ուսումնական պլաններ և ծրագրեր, անցկացնում է սոցիալական ապահովության ոլորտի կադրերի վերապատրաստման և որակավորման բարձրացման դասընթացներ,

15) ուսումնասիրում է մարդու իրավունքների և հիմնարար ազատությունների պահպանման հիմնահարցերը հանրապետությունում,

16) կազմակերպում է բուհերի, քոլեջների ուսանողների համար ուսումնաարտադրական պրակտիկա,

17) նախապատրաստում է նյութեր հրապարակումների, գիտաժողովների, խորհրդակցությունների անցկացման համար,

18) համագործակցում է պետական կառավարման և տեղական ինքնակառավարման մարմինների, հասարակական և այլ կազմակերպությունների հետ,

19) ուսումնասիրում և վերլուծում է սոցիալական ոլորտում հասարակական կազմակերպությունների և պետական մարմինների համագործակցության արդյունքները,

20) կազմակերպում է հանրապետական, միջազգային գիտական և գիտագործնական սեմինարներ և գիտաժողովներ, պատրաստում գիտամեթոդական ձեռնարկներ

21) ուսումնասիրում է բնակչության աղքատության պատճառները և տալիս առաջարկություններ աղքատության նվազեցման վերաբերյալ,

22) ուսումնասիրում է ժողովրդագրական իրավիճակը և մշակում դրա բարելավմանն ուղղված ծրագրեր,

23) իրականացնում է նորմատիվ իրավական ակտերի նախագծերի՝ սոցիալական պաշտպանության ոլորտում կարգավորման ազդեցության գնահատում,

24) նախապատրաստում է աշխատանքի և սոցիալական պաշտպանության ոլորտը կարգավորող իրավական ակտերի վերաբերյալ հանրամատչելի տեղեկատվական նյութեր, կազմակերպում է դրանց տարածումը և իրականացնում է հասարակության իրազեկման աշխատանքներ

25) անհրաժեշտության դեպքում աջակցում է սոցիալական պաշտպանության բնագավառում իրականացվող ծրագրերի և գնահատման աշխատանքներին՝ միայն գիտահետազոտական և վերլուծական մասով:

16. Կազմակերպությունը կարող է ունենալ հիմնարկներ, ներկայացուցչություններ կամ մասնաճյուղեր, որոնք ստեղծվում են հիմնադրի որոշմամբ:

III. ԿԱԶՄԱԿԵՐՊՈՒԹՅԱՆ ԿԱՌԱՎԱՐՄԱՆ ՄԱՐՄԻՆՆԵՐԸ, ԴՐԱՆՑ ԿԱԶՄԸ ԵՎ ԼԻԱԶՈՐՈՒԹՅՈՒՆՆԵՐԸ

17. Կազմակերպության կառավարումն իրականացնում են հիմնադիրը (Հայաստանի Հանրապետություն)՝ ի դեմս Հայաստանի Հանրապետության կառավարության, նրա լիազորած պետական մարմինը՝ ի դեմս Հայաստանի

Հանրապետության աշխատանքի և սոցիալական հարցերի նախարարության (այսուհետ՝ լիազորված պետական մարմին), գործադիր մարմինը՝ ի դեմս տնօրենի:

18. Հիմնադրի բացառիկ լիազորություններն են՝

- 1) Կազմակերպության հիմնադրումը.
- 2) Կազմակերպության գործունեության առարկայի և նպատակների, այդ թվում՝ նրա կողմից իրականացվող ձեռնարկատիրական գործունեության տեսակների սահմանումը.
- 3) Կազմակերպության վերակազմակերպումը և լուծարումը.
- 4) Կազմակերպության գործունեությանը և կառավարմանը վերաբերող ցանկացած հարցի վերջնական լուծումը՝ բացառությամբ «Պետական ոչ առևտրային կազմակերպությունների մասին» Հայաստանի Հանրապետության օրենքով նախատեսված դեպքերի:

19. Լիազորված պետական մարմինը՝

- 1) հաստատում է Կազմակերպության կանոնադրությունը և դրանում կատարում փոփոխություններ.
- 2) Կազմակերպության կանոնադրությամբ սահմանված կարգով իրականացնում է նրա կառավարման մարմինների ձևավորումը և նրանց լիազորությունների վաղաժամկետ դադարեցումը.
- 3) իրականացնում է վերահսկողություն Կազմակերպության գործունեության նկատմամբ.
- 4) հիմնադրի անունից Կազմակերպության տնօրենի հետ կնքում է աշխատանքային պայմանագիր.
- 5) հաստատում է Կազմակերպությանը սեփականության իրավունքով հանձնվող և (կամ) ամրացվող՝ պետության պատկանող գույքի կազմը.
- 6) նշանակում է Կազմակերպության լուծարման հանձնաժողով և հաստատում լուծարման հաշվեկշիռը.
- 7) կասեցնում կամ ուժը կորցրած է ճանաչում Կազմակերպության գործադիր մարմնի՝ Հայաստանի Հանրապետության օրենսդրության պահանջներին հակասող հրամանները, հրահանգները, կարգադրությունները և ցուցումները.
- 8) խում է Կազմակերպության գործունեության մասին հաշվետվությունները, քննում է դրա գործունեության վերստուգման արդյունքները.
- 9) իրականացնում է վերահսկողություն Կազմակերպության ամրացված պետական սեփականության օգտագործման և պահպանության նկատմամբ.
- 10) իրականացնում է վերահսկողություն Կազմակերպության սեփականության պահպանության նկատմամբ.
- 11) ստեղծում է հիմնարկներ, մասնաճյուղեր և ներկայացուցչություններ՝ Հայաստանի Հանրապետության քաղաքացիական օրենսգրքին, «Պետական ոչ առևտրային կազմակերպությունների մասին» Հայաստանի Հանրապետության օրենքին և սույն կանոնադրությանը համապատասխան.
- 12) հաստատում է Կազմակերպության գործադիր մարմնի աշխատանքային գործառույթների նկարագրությունը / պաշտոնի անձնագիր/.
- 13) որոշում է կայացնում Կազմակերպության գործադիր մարմնի լիազորությունները վաղաժամկետ դադարեցնելու և գործադիր մարմնի նկատմամբ

խրախուսման միջոցներ կիրառելու և կարգապահական տույժեր նշանակելու վերաբերյալ.

15) հաստատում է Կազմակերպության տարեկան հաշվապահական և ընթացիկ գործունեության մասին հաշվետվություններն ու տարեկան հաշվեկշիռը.

16) ընդունում է որոշում Կազմակերպությանը սեփականության իրավունքով պատկանող գույքի արժեքի 20-50 տոկոսը կազմող արժեքով ուղղակիորեն կամ անուղղակիորեն գույք ձեռք բերելու, օտարելու կամ օտարելու հնարավորության հետ կապված խոշոր գործարքներ կատարելու մասին.

17) իրականացնում է օրենքով, հիմնադրի որոշումներով և սույն կանոնադրությամբ նախատեսված այլ գործառույթներ:

20. Կազմակերպության գործադիր մարմինը տնօրենն է, որը՝

1) առանց լիազորագրի հանդես է գալիս Կազմակերպության անունից, ներկայացնում է նրա շահերը և կնքում գործարքներ.

2) Հայաստանի Հանրապետության օրենսդրությամբ, հիմնադրի և լիազորված պետական մարմնի որոշումներով և սույն կանոնադրությամբ սահմանված կարգով տնօրինում է Կազմակերպության գույքը, այդ թվում՝ ֆինանսական միջոցները.

3) տալիս է Կազմակերպության անունից հանդես գալու լիազորագրեր, այդ թվում՝ վերալիազորման իրավունքով լիազորագրեր.

4) հաստատում է յուրաքանչյուր աշխատակցի համար պաշտոնի անձնագիր, որը ներառում է մասնագիտական գիտելիքների և աշխատանքային ունակությունների տիրապետման տեսանկյունից աշխատողին ներկայացվող պահանջները, իրավունքներն ու պարտականությունները, շփումների շրջանակը, հաշվետվությունների համակարգը.

5) հաստատում է Կազմակերպության հաստիքացուցակը.

6) հաստատում է Կազմակերպության կառուցվածքը.

7) հաստատում է գիտամեթոդական խորհրդի անհատական կազմը և դրա աշխատակարգը.

8) աշխատանքի է նշանակում և աշխատանքից ազատում Կազմակերպության աշխատողներին, նրանց նկատմամբ կիրառում է խրախուսման միջոցներ և նշանակում կարգապահական տույժեր.

9) բանկերում բացում է հաշվարկային հաշիվներ.

10) կատարում է աշխատանքի բաշխում իր տեղակալների միջև.

11) սահմանում է Կազմակերպության կառուցվածքային ստորաբաժանումների իրավասությունները.

12) օրենքով և սույն կանոնադրությամբ սահմանված իր լիազորությունների սահմաններում արձակում է հրամաններ, հրահանգներ, տալիս է կատարման համար պարտադիր ցուցումներ և վերահսկում դրանց կատարումը.

13) ընդունում է որոշում Կազմակերպությանը սեփականության իրավունքով պատկանող գույքի արժեքի մինչև 20 տոկոսը կազմող արժեքով ուղղակիորեն կամ անուղղակիորեն գույք ձեռք բերելու, օտարելու կամ օտարելու հնարավորության հետ կապված գործարքներ կատարելու մասին.

14) լիազորված պետական մարմին է ներկայացնում Կազմակերպության գործունեության հիմնական ուղղությունների վերաբերյալ առաջարկություններ՝

օրենքով և սույն կանոնադրությամբ նախատեսված՝ Կազմակերպության գործունեության բնագավառին, առարկային և նպատակներին համապատասխան.

15) սահմանում է Կազմակերպության շահույթի տնօրինման ուղղությունները.

16) հաստատում է Կազմակերպության ստորաբաժանումների կանոնակարգերը, ներքին կարգապահական և այլ կանոններ.

17) հաստատում է Կազմակերպության գործունեության տարեկան պլանը և դրա կատարման ժամկետները.

18) լիազորված պետական մարմին է ներկայացնում առաջարկություններ Կազմակերպության տարեկան ծախսերի նախահաշվի նախագծի վերաբերյալ.

19) հաստատում է Կազմակերպության կողմից իրականացվող ձեռնարկատիրական գործունեության սակագները.

20) իրականացնում է Հայաստանի Հանրապետության օրենսդրությանը չհակասող և Կազմակերպության կառավարման այլ մարմիններին չվերապահված այլ լիազորություններ:

21. Տնօրենի բացակայության ժամանակ, նրա հրամանով (իսկ դրա անհնարինության դեպքում՝ լիազոր մարմնի որոշմամբ) տնօրենի լիազորություններն իրականացնում է տնօրենի տեղակալը:

22. Կազմակերպության գործադիր մարմնի թեկնածուներն առաջադրվում են մրցութային կարգով:

23. Կազմակերպության կողմից իրականացվող գիտահետազոտական ու ուսումնամեթոդական աշխատանքների գիտական որակի բարձրացման, ինչպես նաև դրանց գործնական ներդրման պիտանելիության աստիճանի գնահատման նպատակով Կազմակերպությունում գործում է գիտամեթոդական խորհուրդ՝ որպես խորհրդակցական մարմին:

24. Գիտամեթոդական խորհուրդը կազմավորվում է Կազմակերպության, Հանրապետության բուհական և գիտական հաստատությունների բարձր որակավորում ունեցող մասնագետներով:

25. Գիտամեթոդական խորհուրդն իրականացնում է հետևյալ գործառույթները՝

1) եզրակացություն է տալիս Կազմակերպության գիտական հիմնարար հետազոտությունների իրականացման ծրագրերին.

2) լսում է Կազմակերպության ստորաբաժանումների, ինչպես նաև առանձին աշխատողների կատարած գիտական աշխատանքների մասին հաշվետվությունները և հաղորդումները, ներկայացնում է համապատասխան եզրակացություններ և առաջարկություններ.

3) երաշխավորում է Կազմակերպությունում կատարված գիտահետազոտական և ուսումնամեթոդական աշխատանքների հրապարակումը և դրանց գործնական կիրառելիությունը.

4) քննարկում է հիմնարար հետազոտությունների գծով Կազմակերպության հեռանկարային զարգացման ծրագրերը և ներկայացնում է համապատասխան առաջարկություններ.

5) աջակցում է գիտաժողովների, գիտական նստաշրջանների, սեմինարների կազմակերպմանը, կարող է երաշխավել Կազմակերպության աշխատակիցների մասնակցությունը այլ կազմակերպությունների կողմից կազմակերպվող գիտաժողովներին.

6) կատարում է աշխատանքի և սոցիալական պաշտպանության ոլորտի վերաբերյալ պատրաստված գիտական ատենախոսությունների նախնական քննարկում, երաշխավորում դրանց ներկայացումը հրապարակային պաշտպանության.

7) հրատարակության է երաշխավորում աշխատանքի և սոցիալական պաշտպանության ոլորտի վերաբերյալ պատրաստված հոդվածներ, աշխատություններ, մենագրություններ, ուսումնական ձեռնարկներ, դասագրքեր և այլ նյութեր:

26. Գիտամեթոդական խորհրդի աշխատանքները ղեկավարում է Կազմակերպության տնօրենը, նրա հանձնարարությամբ գիտամեթոդական խորհրդի նիստերը կարող է ղեկավարել նաև գիտամեթոդական խորհրդի անդամներից մեկը:

27. Գիտամեթոդական խորհրդի ընթացիկ գործունեության համակարգումն իրականացնում է գիտական քարտուղարը:

28. Գիտամեթոդական խորհրդի գործունեության կարգը սահմանվում է գիտամեթոդական խորհրդի աշխատակարգով:

IV. ԿԱԶՄԱԿԵՐՊՈՒԹՅԱՆ ՍԵՓԱԿԱՆՈՒԹՅԱՆ ՁԵՎԱՎՈՐՄԱՆ, ՏՆՕՐԻՆՄԱՆ, ՏԻՐԱՊԵՏՄԱՆ ԵՎ ՕԳՏԱԳՈՐԾՄԱՆ ԿԱՐԳԸ

29. Կազմակերպության սեփականությունը ձևավորվում է Կազմակերպության հիմնադրման ժամանակ և հետագայում հիմնադրի կողմից սեփականության իրավունքով նրան հանձնվող, ինչպես նաև կազմակերպության գործունեության ընթացքում ձեռք բերված գույքից:

30. Կազմակերպությունն իրավունք ունի օրենքին, հիմնադրի որոշումներին և (կամ) սույն կանոնադրությանը համապատասխան՝ իր հայեցողությամբ տիրապետելու, տնօրինելու և օգտագործելու սեփականության իրավունքով իրեն պատկանող գույքը:

31. Հիմնադիրը Կազմակերպությանը սեփականության իրավունքով պատկանող գույքի նկատմամբ չունի իրավունքներ՝ բացառությամբ Կազմակերպության լուծարումից հետո մնացած գույքի:

32. Կազմակերպության սեփականության պահպանման հոգսը կրում է Կազմակերպությունը:

33. Կազմակերպության սեփականության վրա կարող է բռնազանձում տարածվել միայն դատական կարգով:

34. Հիմնադրի որոշմամբ Կազմակերպությանն անժամկետ ու անհատույց օգտագործման իրավունքով ամրացվում է ցանկացած գույք:

35. Հիմնադիրն իրավունք ունի ետ վերցնելու իր կողմից Կազմակերպությանն ամրացված գույքը:

36. Կազմակերպությունն իրավունք չունի ամրացված գույքը կամ դրա նկատմամբ իր իրավունքներն օտարելու, գրավ դնելու և հանձնելու անհատույց օգտագործման:

37. Կազմակերպությունն իրավունք ունի իրեն ամրացված գույքը պետության անունից հանձնելու վարձակալության, եթե դա արգելված չէ հիմնադրի որոշմամբ:

Ամրացված գույքի վարձակալությունից գոյացած վճարները սահմանված կարգով ուղղվում են Հայաստանի Հանրապետության պետական բյուջե: Կազմակերպությանն ամրացված գույքի օգտագործման ընթացքում առաջացած անբաժանելի բարելավումները հիմնադրի սեփականությունն են:

38. Հիմնադրի կողմից Կազմակերպությանն ամրացված անշարժ գույքի կամ պետական պարտադիր գրանցման ենթակա գույքի նկատմամբ Կազմակերպության օգտագործման իրավունքը ծագում է դրանց նկատմամբ իրավունքի պետական գրանցման պահից:

V. ԿԱԶՄԱԿԵՐՊՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

39. Կազմակերպությունը կարող է վերակազմակերպվել հիմնադրի որոշմամբ՝ Հայաստանի Հանրապետության քաղաքացիական օրենսգրքով սահմանված կարգով:

40. Կազմակերպությունը կարող է վերակազմակերպվել օրենքով սահմանված դեպքերում և կարգով:

41. Կազմակերպության լուծարմամբ դադարում է Կազմակերպության գործունեությունը՝ առանց իրավունքները և պարտականություններն իրավահաջորդության կարգով այլ անձանց անցնելու:

42. Կազմակերպությունը կարող է լուծարվել հիմնադրի որոշմամբ՝ Հայաստանի Հանրապետության քաղաքացիական օրենսգրքով սահմանված կարգով: Կազմակերպությունը կարող է լուծարվել նաև սնանկության հետևանքով:

43. Կազմակերպությունը դատական կարգով կարող է լուծարվել միայն օրենքով նախատեսված դեպքերում և կարգով:

44. Կազմակերպության լուծարման դեպքում Կազմակերպության պարտատերերի պահանջների բավարարումից հետո մնացած գույքն ուղղվում է Հայաստանի Հանրապետության պետական բյուջե: >>: